

Ukiut qulit 20-illu akornani nuna tamakkerlugu sanaartugassanik pilersaarusiortoqarnissaanik, minnerpaamik kommuuninut agguataarneqartunik aammalu kommunit suleqatigalugit pilersaarutinik ingerlanneqartussanik Naalakkersuisut peqquneqarnissaanik Inatsisartuni aalajangiiffigisassatut siunnersuut. Sanaartukkanik pilersaarutit Namminersornerullutik Oqartussat aammalu kommuunit sanaartornermik suliassaanik imaqartinneqassapput, tamatumani piviusumik tulleriissaarinissat pilersaarusiornissallu kommuunini kiisalu sanaartugassanik suliassinneqartunit ingerlanneqarsinnaalersillugit aammalu suliassaasinnaasunillu kommuunini ingerlanneqartussatut pilersaarutit inissisorneqarsinnaalersillugit..

(Inatsisartuni ilaasortaq, Agathe Fontain, Inuit Ataqatigiinniit)

Akissut

(Aningaasaqarnermut, Aatsitassanut Nunanullu Allanut Naalakkersuisumit)

Aappassaaneerneqarnera:

Sanaartornissamut ataatsimiititaliap siunnersuusiortup siunnersuutaata sukumiisumik passutarineqarsimanera matumani Naalakkersuisut sinnerlugit qujassuteqassaanga.

Sanaartornissamut ataatsimiititaliap Nunatsinni Inuussutissarsiuteqartut oqaloqateqartarneri Naalakkersuisut soqutiginnillugit malinnaavigisimavaat. Taamaammatt Inatsisartut Inuussutissarsiortullu ataqatigiissaarluarnissaq pisariaqartoq siunniullugu sullissimanerat Naalakkersuisunit nuannaarutigineqarpoq, taamaaliornerlu Naalakkersuisunit borgmesterinillu siuttuuffigineqarsimalluni. Aamma nuna tamakkerlugu sanaartornissamut pilersaarusiaq kingulleq ukiut 20 matuma siorna pisimasoq Sanaartornissamut ataatsimiititaliap maluginiarsimavaa. Taamaammatt nuna tamakkerlugu sanaartornissamut pilersaarusiaq tulleg takkuteqqippat ukiut 20-t qaangiutereersimassanngitsut Naalakkersuisut sinnerlugit maanna neriorsuutigereersinnaavara.

Taama oqaaseqarlunga allannguutissamut siunnersuutip Inatsisartuni suli suliarineqatnissaa nuannaarutigalugu ingerlateqqippara.